

汾陽祠

喬宇

在滎河東北十里處告新天子卽位於商湯王祠畢才來二公  
進曰汾陽古祠去此不遠盍往觀之可以紓從者一日之勞二  
十六日遂由縣西北行十里而至頽然荒祠倚於畦傍啟括轉  
扉且前後杲杲白日照於中堂鳥巢於梁苔侵於堂登謁后皇  
翠冠翟裳於是循祠之北求漢武之明壇登軒轅之郊臺探巫  
錦之鼎區皆茫茫杳杳不可辨矣去祠三百步許是爲汾河重  
湍駛濤自河津而來河之濱見臥有崇碑埋有穹龜去流惟跬  
步拂而觀之乃宋眞宗西封文也相與惻感遂鳩隸人培土而  
深貫木而旋系繩而引使依於祠所庶幾不忘二公曰元鼎之  
道藏輯要

天下名山記  
山西汾陽喬

三

軫集五  
川三

時此地乃漢天子望拜之所必嚴觀辟路雖當時善游之士恐  
不可到今也蕩然邱墟曠然步趨况有龍門吐雲中條獻奇不  
亦可樂也哉遂舉酒於臺上酒酣在祠西求大舸浮河而南中  
流覽景俯仰古今翕然興發相與咏秋風之辭余又爲之歌曰  
帝昔來兮壇下駐龍輿兮輝煌帝一去兮不返壇有栢兮蒼蒼  
悲千秋兮萬歲汾之水兮湯湯歌罷不覺抵於崖上